



প্রধানমন্ত্রীবিদ্যুৎ

বাণিজ্যিক কাজকর্মকে সহজতর করে তোলার লক্ষ্যে ভারতের অবস্থান এখন বেশ উচ্চ : এই ঘটনাকে ‘ঐতিহাসিক’ বলে বর্ণনা করলেন প্রধানমন্ত্রী বাণিজ্যিক কাজকর্মকে সহজতর করে তোলার ক্ষেত্রে বিশ্ব ব্যাঙ্কের ২০১৮’র প্রতিবেদন অনুযায়ী ভারত ইতিমধ্যেই ৩০টি ধাপ ওপরে উঠে এসেছে

Posted On: 01 NOV 2017 3:36PM by PIB Kolkata

বাণিজ্যিক কাজকর্মকে সহজতর করে তোলার ক্ষেত্রে বিশ্ব ব্যাঙ্কের ২০১৮’র প্রতিবেদন অনুযায়ী ভারত ইতিমধ্যেই ৩০টি ধাপ ওপরে উঠে এসেছে। এই ঘটনাকে ‘ঐতিহাসিক’ বলে বর্ণনা করেছেন প্রধানমন্ত্রী শ্রী নরেন্দ্র মোদী। এর আগে বাণিজ্যিক কাজকর্ম সহজতর করে তোলা সম্পর্কিত বিশ্ব ব্যাঙ্কের প্রতিবেদনে ভারতের অবস্থান ছিল ১৩০-এ। কিন্তু ২০১৮’র প্রতিবেদন অনুযায়ী ভারত এখন ১০০তম স্থানে অবস্থান করছে।

প্রধানমন্ত্রী তাঁর বেশ কয়েকটি টাইট বার্তায় বলেছেন যে, ভারতের এখন বিশ্ব র্যাঙ্কিং-এ ১০০ সূচকে অবস্থানের মূল কারণ হ’ল বিভিন্ন ক্ষেত্রে টিম ইন্ডিয়া’র সার্বিকভাবে সংস্কার প্রচেষ্টা। তিনি তাঁর ঐ বার্তায় বলেছেন :

“বাণিজ্যিক কাজকর্মকে সহজতর করে তোলার কাজে বিশ্ব র্যাঙ্কিং-এ ভারতের এইভাবে অনেক ওপরে উঠে আসার কারণ হ’ল, বিভিন্ন ক্ষেত্রে সংস্কার প্রচেষ্টার ওপর টিম ইন্ডিয়া’র গুরুত্বদান।

বাণিজ্যিক কাজকর্মকে সহজতর করে তোলার লক্ষ্যে যে পরিবেশ ও পরিস্থিতি বর্তমানে সৃষ্টি হয়েছে, তা দেশের শিল্পোদ্যোগ বিশেষত, ক্ষুদ্র ও মাঝারি শিল্প ক্ষেত্রে ঐতিহাসিক সুযোগ-সুবিধার প্রসার ঘটিয়েছে। এরফলে, সমৃদ্ধিও ঘটে চলেছে দ্রুততার সঙ্গে।

গত তিন বছর ধরে আমরা লক্ষ্য করে আসছি যে, বাণিজ্যিক কাজকর্মকে আরও সহজ করে তোলার লক্ষ্যে রাজ্যগুলির মধ্যে এক ইতিবাচক প্রতিযোগিতামূল্যবোধের মানসিকতা গড়ে উঠেছে, যা নিঃসন্দেহে এক্ষেত্রে বিশেষ কাজ দিয়েছে।

এর আগে কখনও ভারতে বাণিজ্যিক কাজকর্মকে এতটা সহজতর করে তোলার জন্য কোনও চেষ্টা করা হয়নি। যে সমস্ত অর্থনৈতিক সুযোগ-সুবিধার প্রসারের জন্য আমাদের দেশ এখন প্রস্তুত, তার সুযোগ গ্রহণের জন্য ভারত স্বাগত জানায় বিশ্বের অন্যান্য দেশকে।

‘সংস্কার, সাফল্য এবং রূপান্তর’ – এই মন্ত্রকে অবলম্বন করে দেশের অর্থনৈতিক সমৃদ্ধি ও র্যাঙ্কিং-এর ক্ষেত্রে উন্নততর মর্যাদায় অধিষ্ঠিত হতে আমরা এখন সংকল্পবদ্ধ”।

(Release ID: 1507804) Visitor Counter : 4

Background release reference

বাণিজ্যিক কাজকর্মকে সহজতর করে তোলার ক্ষেত্রে বিশ্ব ব্যাঙ্কের ২০১৮’র প্রতিবেদন অনুযায়ী ভারত ইতিমধ্যেই ৩০টি ধাপ ওপরে উঠে এসেছে

